

[.....]

Oblig:[ation] Pr: .10. f:

Gabriel obermaÿr von Kazbach,
vnd Barbara dessen Eheweib welche

/: Herrn Geörg Rosner Gerichts=
procuratorn alhier für einen
Anweiser erbetten :/ Bekhennen vnd
entnemmen zu ihrer beuorstehenten
höchsten Haus Notturft, aus Weÿl:[and]
der Andre Pauerischen Zu Mächter=
sperg [Machtesberg] Vormundtschaft, vnd Zwar
aushandten der beeden verordnneten
Vormundtern Caspar Ederers von
Rosshof, vnd Andrees Wagners Zu
Lengau, benantlichen .10. f: also:
vnd dergestalten, das sÿe entnemmere
selbige iedes mahl zu Weinachten Landts=
gebreichigermassen verzünsen, vnnd
nach einer beederseits beschehenen
Viertl Jehrigen aufkhündtigung,
wider anhaimbs bezahlen wollen,
damit aber entzwischen, vnnd bis

dahin die Puppillen, vnd deren
gedachte Vormunder vmb obiges
Vorlehen Genuegsam versichert
seint. Also thuen sÿe entnemmere
selbiges, neben Verschreibung
ihres Völligen Vermögens, in=
Specie' aber ihres besizenten
Heisls Zu Gemelten Kazbach,
mit Albrechtes Grassel alda
ordentlich verporgen, welcher
dann auch solche Porgschaft freÿ=
willig vf sich genommen, vnd das
Er sowohl vmb das Capitall, als
auch die Züns[en] selbst Gelter vnd
bezahler sein will, beÿ Gericht=
handstreichlich angelobt hat.
Negstdeme so hat auch die eingangs

mitentnemmente Barbara, sich all
ihrer weiblichen Sprüch, vnd Frey=
heiten /: deren sye von ernant
ihrem Anweiser Genuesamb
erindert, vnd informirt worden
ist :/ solang vnd will verzich[t]en,
vnd begeben, bis gedachtes Capi=
tall, sambt den verfallenen Züsen,
wid[er] völlig abericht[et], vnd bezalt
sein würdt. Geschehen den .23. t Xber
anno .1699.

Testes

Hanns Fischer, vnnd Andre Ederer
von Biberbach

© Transkription by Josef Ederer Katzbach 33

Datei: 00023-Staam_2018-12-20_12-10-54aObermayrGabriel Katzbach